

مدرسة الحياة الجولة الاولى الشيطان والصلاة اا الشيخ احمد

جلال اا 31 9 1102

أحمد جلال

بعضهم قد افسدوها بالمعاصي والرذيلة السلام عليكم ورحمة الله وبركاته. الحمد لله رب العالمين. والصلاة والسلام على اشرف المرسلين سيدنا محمد وعلى اله وصحبه ومن تبعه باحسان الى يوم الدين اما بعد. اهلا وسهلا ومرحبا باخواني واخواتي واهلي واحبابي - 00:00:00

واسأل الله سبحانه وتعالى الذي جمعني واياكم في هذه الساعة المباركة على طاعته ان يجمعني واياكم في جنته ودار كرامته. مع النبيين والصديقين والشهداء والصالحين وحسن اولئك رفيقا. آآ بدأنا سلسلة جديدة متعلقة باهم آآ مرحلة من مراحل حياتنا. آآ متعلقة بصراع كبير - 00:00:21

جدا بيننا وبين الشيطان. آآ يمكن خدنا المقدمة الاسبوع اللي فات. احاول افكركم بها سريعة جدا. آآ قلت لكم ان آآ الشيطان هو خلى العلاقة بيننا وبينه علاقة حرب واعلن بصراحة واضحة جدا جدا ان علاقته علاقة حرب. وقلت لكم اللي يتدبر كده في الفاظ القرآن وفي الفاظ السنة هيجد بالفعل ان - 00:00:41

ربنا سبحانه وتعالى حذرنا وقال لنا هو اتخذكم يعني اتخذ العلاقة بينكم وبينه عداوة مش اكثر فما ينفعش ان انت تتخز علاقتك مع الشيطان علاقة اية وعلاقة محبة علاقة مودة انك تسمعه في اللي بيقول لك عليه. قلت لكم ربنا سبحانه وتعالى يقول آآ واجلب عليهم بخيلك ورجلك. قلت لكم دي - 00:01:01

في الفاظ حرب وقلت لكم ان النبي صلى الله عليه وسلم كان في صحيح مسلم من حديث جابر النبي صلى الله عليه وسلم كان يقول ان جبريل ان ابليس معذرة ان ابليس يضع عرشه على - 00:01:21

ويبعث سراياه. يبعث سراياه السارية دي سرية حرب. وقلت لكم برضو عند ابن حبان من حديث ابي سعيد ان النبي صلى الله عليه وسلم قال اذا اصبح ابليس بث جنوده يبيت الجنود جنود وسرايا وحرب يعني هي دي العلاقة بينا وبينه. وقلت لكم ان العلاقة بيننا وبين الشيطان - 00:01:31

علاقة عداوة قادمة جدا جدا جدا. آآ هذه العلاقة الشيطان يبجته فيها غاية الاجتهاد. انه دايمآ آآ يحقق الاهداف العامة بتاعته. الاهداف سواء الاهداف البعيدة يدعو حزبه ليكونوا من اصحاب السعير ان يخلي الانسان من اهل النار او الاهداف القريبة انه يجعل الحياة دي مليئة بالاحزان والهموم والغوم يسقط الانسان في - 00:01:50

ذنوب يسقط الانسان في المعاصي. وذكرت لكم امثلة كثيرة جدا في هذا الباب. وقلت لكم كمان ان هذه الحرب اه اه ابليس اه يبدأ هذه الحرب من اول لحظة احنا بننزل فيها للحياة ومش هيسيب الحرب دي او مش هيسيب الجولة دي من جولات آآ الحرب بينا وبينه الا والانسان يموت حتى وهو يموت الشيطان موجود - 00:02:10

عايز برضو يبعده عن ربنا سبحانه وتعالى. قلت لكم بدأت العلاقة بمجرد خروج الانسان من بطن امه. قال النبي صلى الله عليه وسلم كل بني ادم يطعن الشيطان في جنبه اذا ولد. وقال النبي صلى الله عليه وسلم ما من ولود الا وينزغ الشيطان فيه في جنبه آآ الا - 00:02:30

المكان من مريم وابنها. سبحان الله! هو بمجرد ما بتنزل في الدنيا بيعلن العلاقة بينك وبينه انه يبطعن في جنبك فعلشان كده يستهل

المولود صارخا وقلت لكم هتظل هذه العلاقة علاقة الحرب دي قائمة الى ان يموت الانسان. مش هيسيبك الا بعد ما يكون تيقن تمام
خلاص ان الروح خرجت وفارقت الجسد. وده - [00:02:49](#)

اللي كان بيقوله النبي صلى الله عليه وسلم كما عند ابي داود من حديث ابي اليسر ان النبي صلى الله عليه وسلم كان يتعوذ فيقول
في تعوذه صلى الله عليه وسلم واعوذ بك ان - [00:03:09](#)

الشيطان عند الموت. يتخبطني الشيطان عند الموت. قلت لكم ان الشيطان مش هيسيب الانسان ولا يترك ابدا جولة من الجولات الا
بعد ما الروح تخرج من الجسد. خرجت من الجسد - [00:03:19](#)

حتى والانسان بيموت هيجي له ويبدأ ان هو آآ كما ذكر ذلك كثير من العلماء يظهر له يعني يأتي باتنين من الجن واحد في سورة ابي
وحدة صوت امه ده يقول له مت على اليهودية ده يقول له متعة نصرانية وهي دي فتنة المحيا او فتنة الممات على قول لبعض اهل
العلم بعضهم قال ان هي دي فتنة المحيا وبعضهم قال ان هي دي فتنة - [00:03:29](#)

ارجع واقول ان العداوة شديدة جدا وقلت لكم ان الشيطان هيقعد لنا على كل طريق من طرق الخير او على كل طريق من طرق الشر.
روايتين للنبي صلى الله عليه وسلم - [00:03:49](#)

قال النبي صلى الله عليه وسلم ان الشيطان قعد لابن ادم بجميع اطرقه. قاعد له في طريق الاسلام وفي طريق الجهاد وفي طريق
الهجرة. بل النبي صلى الله عليه وسلم قال ان الشيطان ليرصد ابن ادم ابن ادم - [00:04:00](#)

عند كل شيه مش هيسيبك وهو واقف لك مستنيك. عند كل باب من ابواب الخير هتلاقه واقف والنبي صلى الله عليه وسلم برضو
قال لنا ان هو واقف على ابواب تانية ابواب دي ابواب الشر والعياذ بالله خط النبي صلى الله عليه وسلم خطأ وجعل على يمينه وعلى
يساره خطوطا - [00:04:10](#)

هذا صراط الله وهذه آآ سبل على كل سبيل منها شيطان يدعو اليها. سبل كل دي آآ ده المعصية ده كزا ده كزا على كل سبيل
من السبل دي اللي هي بعيدة تماما عن الصراط المستقيم آآ عليها شيطان بيدعو اليها الفاحشة والعياذ بالله شيطان - [00:04:26](#)

على طريقها بيدعو اليها الربا. شيطان يدعو اليها. والعياذ بالله نظر الى النساء شيطان يدعو اليها. الخيانة والعياذ بالله. خيانة المرأة
لزوجها. شيطان يدعو اليها وهكذا واقف على كل واحدة من دول يزينها ويجملها ويحليها للناس علشان يدعوا الناس اليها.
يدعو الناس اليها. ده - [00:04:46](#)

قبل ما نخش على الجولة الاولى من جولات الصراع بيننا وبين الشيطان يخليني اكد معكم على جزئيتين في غاية الاهمية انا كانسان
عبارة عن قوتين القوة الاولانية آآ القوتين بينهم آآ يعني آآ علاقة عكسية. اذا علت احدهما قلت الاخرى - [00:05:06](#)

تاني تاني انا انا عبارة عن قوتين القوتين دول عكس بعض كل واحدة منهم في اتجاه كل اما هعلي واحدة التانية تضعف جدا
جدا جدا. وهي دي العلاقة اللي ينبغي تكون بينا وبين الشيطان. القوة الاولانية هي القوة الايمانية. قوة الادب قوة الخلق قوة الدين
قوة الطاعة قوة - [00:05:26](#)

عبادة دي بنسبها القوة الايمانية. آآ آآ القوة التانية هي القوة الشيطانية آآ فواحش معاصي انترنت الكلام ده قوة شيطانية بتدعو كان
دايما لاقصى الشمال. الشيطان دايما بيحاول بقدر المستطاع انه يقلل جدا القوة الايمانية علشان دي تعلق لان دي اذا ضعفت القوة
الشيطانية تعلق بصورة كبيرة جدا - [00:05:46](#)

علشان كده آآ القوة الشيطانية الحقيقية الظاهرة مش هتظهر للناس الا بعد انهيار القوى الايمانية. يعني ايه آآ آآ المسيح الدجال مش
ه يظهر كقوة شيطانية عظمى في الكون الا بعد انهيار القوى الايمانية الاخلاقية. علشان كده من علامات ظهور - [00:06:06](#)

المسيح الدجال انتشار الربا انتشار الزنا انتشار الفواحش آآ انتشار المعاصي انتشار العقوق انتشار القتل انتشار كذا. دي كلها تؤدي الى
او كانت نتيجة الى ان القوة الايمانية اللي هي بتودي الانسان على جهة اليمين انهارت تماما. فلما انهارت ظهرت القوة الشيطانية على
حقيقتها في سورة المسيح الدجال - [00:06:24](#)

علشان كده بقول ان كل ما هنعلي قوانا الايمانية قوى الشيطان تضعف. قوى الشيطان تبتعد عنا تماما. زي ما ذكرت لكم مثل آآ القوى

او الاثر في الاسبوع الماضي ان الشيطان يعني لمس انسان دخل في جسد انسان فظل هذا الانسان يقرأ القرآن ويذكر الله ويزود قواه الايمانية - [00:06:42](#)

بصورة كبيرة جدا جدا جدا. كانت النتيجة ان الشيطان خرج منه خرج وهو يقول دخلت فيه وانا مسل الجزور. وها انا اخرج الان وانا مسل العصفور. ليه؟ القوة الايمانية بتاعته - [00:07:02](#)

جدا فبالتالي القوة الشيطانية قلت جدا جدا جدا. نخش درس النهاردة درس النهاردة هو عبارة عن الجولة الاولى بيننا وبين الشيطان. اعظم بتعلي لك ايمانك؟ بتعلي لك قواك الروحية؟ بتعليك قواك النورانية؟ بتعلي قواك آآ التعبدية بتقربك قوي من ربنا سبحانه وتعالى - [00:07:12](#)

وبتقرب ربنا منك بصورة كبيرة جدا جدا جدا صلاتك. الصلاة دي هي اللي بتعطي للانسان قوة غير طبيعية. اول قوة قوة النور. قال النبي الصلاة نور. الصلاة دي قوة نور غير طبيعية بتدخل في قلب الانسان في بصيرة الانسان فيرى الحق من الباطل. علشان كده ربنا سبحانه وتعالى قال - [00:07:32](#)

ان الصلاة تنهى عن الفحشاء والمنكر. بتوري لك بالفعل الفحشاء على حقيقتها فبتبعد عنها. توريك المنكر عنه. وبالتالي القوة الايمانية عندك جدا القوى النورانية اللي هتكون زاهرة في الدنيا وزاهرة في الاخرة اللي النبي صلى الله عليه وسلم قال في شأنها آآ خمس صلوات من حافظ عليهن كن له نور ونجاة - [00:07:52](#)

هو برهان يوم القيامة. يبقى اذا آآ الصلاة دي هتعطيك قوة ايمانية غير طبيعية. القوة النورانية اللي النبي صلى الله عليه وسلم كان دائما بياكد عليها الصلاة تديك قوة آآ آآ القوة دي بنسبها قوة مغفرة الذنوب. مغفرة الذنوب لما تنصف وتنظيف كده ما شاء الله بتنطلق انطلاق كبير جدا. في بعض الاشياء في العربية لو - [00:08:12](#)

عليها في المكنة من جوة. المكنة بتاعة العربية لو جه عليها عفرة جه عليها تراب تلاقي العربية عمالة ايه تترجي كده بك وانت ماشي. لما تودبها مسلا مشحمة وتنصف من التراب والكلام ده تلاقي العربية ما شاء الله انطلقت معك انطلاق كبير جدا. القوة دي اللي هي موجودة في قلبك. قلبك طول ما هو عليه زنوب ومعاصي وسيئات هتلاقيك ماشي عمال تتخط - [00:08:32](#)

الحياة بتترجي كده زي العربية ولكن سبحانه الله لما الذنوب دي تغفر ده بيدك طاقة وقوة انطلاق زي بالزبط العربية لما نضفت بدأت تنطلق انطلاق غير طبيعي الصلاة بتعمل كده في قلبك. قال النبي صلى الله عليه وسلم الصلوات خمس ورمضان الى والجمعة الى الجمعة ورمضان الى رمضان مكفرات لما بينهن. يبقى يبدأ القلب ينصف شوية. آآ النبي صلى الله عليه وسلم - [00:08:52](#)

قال ارايتم لو ان نهرا بباب احدكم يغتسل في كل يوم خمس مرات؟ هل يبقي ذلك من داره شيء؟ قالوا لا يا رسول الله قال فذلك مثل الصلوات الخمس. يبقى الصلاة عمالة تنصف - [00:09:13](#)

النبي صلى الله عليه وسلم يقول اذا قام ابن ادم يصلي اتي بذنوبه كلها. فوضعت على على رأسه وعلى عاتقيه فكلما ركع وسجد تساقطت. ده بينصف القلب بيخلي قوة الانطلاق في طاعة ربنا سبحانه وتعالى انطلاق كبير جدا جدا. الصلاة دي بتدي طاقة تانية. الطاقة دي هي طاقة القرب سواء قربك انت من ربنا او - [00:09:23](#)

وربنا سبحانه وتعالى منك. النبي صلى الله عليه وسلم بيقول والانسان وهو ساجد والانسان وهو ساجد اقرب ما يكون العبد من ربه وهو ساجد. صلاتك في الليل في الليل اقرب ما يكون الرب من عبده في جوف الليل الاخر. يبقى الصلاة دي بتديك القوة دي بعد ذلك الصلاة بتديك قوة رابعة. ايه القوة الرابعة؟ القوة الرابعة دي - [00:09:43](#)

بغض المعصية كره المعصية انك تبعد عن المعصية. الصلاة بتزبط لك حياتك. بتخليك تكره القوة الشيطانية. فبالتالي يبدأ آآ قلبك يقرب اكثر من ربنا سبحانه وتعالى لما ذكر للنبي صلى الله عليه وسلم رجل كان يقوم من الليل ويسرق فالنبي صلى الله عليه وسلم قال دعوه فستنجاه صلاته. الصلاة لما هتتمكن من قلبه اكثر - [00:10:03](#)

تعلي ايمانه اكثر هتزدود القوة الايمانية عنده اكثر فبالتالي هيبيعد عن هذا الذنب. علشان كده كان النبي بيقول لنا في مسألة قيام الليل عليكم بقيام الليل. ليه يا رسول الله؟ قال - [00:10:23](#)

فانه دأب الصالحين قبلكم. الشاهد من الحديث قال ومنهات عن الائم. فالصلاة في ذاتها بتنهاك عن الائم. بتنهاك عن المعصية. بتنهاك عن اه انك تحب القوة الشيطانية بتكرها بتبغضا بتبعد عنها - [00:10:33](#)

فبالتالي القوة الايمانية عندك بتبدأ تعلق اكثر واكثر واكثر بعد ذلك سبحانه الله القوة الروحية عندك بتزداد لان انت ما شاء الله قيادة القوى الايمانية عندك بسبب قرب الملائكة منك. والملائكة لما تقرب منك الشياطين بتبعد عنك. طب الملائكة بتقرب مني في الصلاة ازاى؟ ياه! قال النبي صلى الله عليه وسلم في الحديث - [00:10:47](#)

اذ رواه علي رضي الله عنه ان العبد اذا قام يصلي اقترب منه الملك اقترب منه الملك يبدأ يقرب منه. خدت بالك؟ فلا يخرج شيء من فيه الا وقع في في الملك. النبي صلى الله عليه وسلم قال في شأن العبد اذا قام يصلي فقال عند القيام من الركوع آآ اللهم لك الحمد حمدا كثيرا طيبا مباركا - [00:11:07](#)

هو كان فيه قال النبي صلى الله عليه وسلم لقد رأيت بضعا وثلاثين ملكا يبتدرونها ايهم يكتبها اولاً. الملائكة بدأت تقرب منك. ده بيعلي ايمانك اوي. السكينة بتبدأ تنزل الطمأنينة بتخش قلبك. القوة الايمانية عمالة تعلق. خدتها لك؟ كل شوية تعلق تعلق تعلق تعلق. النبي صلى الله عليه وسلم قال ان العبد اذا دخل في الصلاة في دعاء الاستفتاح فقال اللهم - [00:11:27](#)

لك الحمد حمدا كثيرا طيبا مباركا فيه. قال لقد رأيت بضع عشر ملكا يبتدرونها ايهم يكتبها اولاً. يبقى الملائكة عمالة تقترب وملك والشيطان لا يجتمعان اني ابدأ فانا في صلاتي الملائكة عمالة تزيد. ده اخد به فايدتين. الفائدة الاولى ابتعاد الشيطان عني. ولو لم يكن من الفوائد الا هذه الفائدة كفاية علينا - [00:11:47](#)

ابتعد الشيطان عنا. الامر الثاني ان في قوة اخرى ان نزول الملائكة معناه نزول سكينة. نزول رحمة نزول فده يرفع اكثر. ده يرفع اكثر بعد ذلك آآ في قوى اخرى تفتح الا وهي ان ابواب السماء بتفتح للعبد اذا قام يصلي ايه الدليل؟ قال النبي صلى الله عليه وسلم ان العبد اذا قام يصلي فقال الله - [00:12:07](#)

الله اكبر كبيرا والحمد لله كثيرا وسبحان الله بكرة واصيلاً. لما النبي صلى الله عليه وسلم سمع رجل يقول هذه الكلمات في الصلاة. قال النبي عجب لها فتحت لها ابواب السماء - [00:12:27](#)

فتحت ابواب السماء ده معناه ايه؟ ده معناه ان رحمتها تنزل من الله عز وجل عليك. يبقى قوة ايمانية بدأت تعلق. ده معناه انك لو دعيت ربك تبارك وتعالى ربنا - [00:12:37](#)

الدعاء ده معناه ان قوة ايمانية بدأت تعلق. كل هذه الامور تخلي دايماً القوة الايمانية عندي تعلق وبالتالي لا يبكي الشيطان على شيء كبكائه عندما يرى الا كبكائي آآ عندما يرى ابن ادم يبسجد ليه؟ لانه عارف يقينا ان معنى السجود ان معنى انه يقرب اوي من ربنا سبحانه وتعالى ان القوة الايمانية عنده - [00:12:47](#)

بتتضاعف بتتزايد ان انا كل ما اقوم اصلي ده معناه ان خلاص الصلاة عندي القوة الايمانية عندي بدأت تزيد جدا. وده معناه ان في علاقة عكسية ان القوة بتاعته هتبدأ تضعف جدا جدا جدا. علشان كده النبي صلى الله عليه وسلم قال لنا كما في صحيح مسلم ان ابن ادم اذا قرأ السجدة - [00:13:07](#)

اذا قرأ ابن ادم السجدة فسجد اعتزل الشيطان يبكي. يخرج يبكي يقول يا ويلى يا ويلى! ايه اللي حصل؟ ده القوة بتاعته ضعفت خالص خالص خالص لدرجة ان هو يبكي - [00:13:27](#)

بكاء غير طبيعي. ليه؟ لانه شافك قواك الايمانية عليت قوي بالصلاة. فبالتالي هو يبكي هذا البكاء الشديد. ليه؟ لانه عارف يقينا ان اكثر حاجة ظهره الصلاة اكثر حاجة هتبعدك عنه الصلاة. علشان كده دايماً بنجد الانسان كل اما هو محافظ على صلاته في جماعة محافظ على صلاته في المسجد - [00:13:37](#)

والاخوات محافظين على صلاتهم على الصلاة في وقتها. ومحافظين كمان على النوافل ومحافظين كمان على قيام الليل والوتر والتهجد. ومحافظين كمان على الضحى وغيرها من النوافل ما شاء الله ليس للشيطان على هؤلاء سبيل. علشان كده بقول يا ريت نعلم من اولادنا البداية الصلاة. نحافظ جدا جدا على اولادنا - [00:13:59](#)

الحفاظ ده مش هيكون ابدأ الا عن طريق الصلاة. فانا عايز اقول كل اما انا هعلي جدا ايمانيتي في الصلاة كل ما محافظ على الصلاة اكثر ده معناه ان القوة الايمانية بتاعتي بتعلو ده معناه ان الشيطان بيبعد عني تماما والعكس والعكس صحيح - [00:14:19](#) زي ما تقول كل علاقة عكسية. كل اما انا اكون مفطر في الصلاة ده معناه ان الشيطان هيتمكن مني اكثر واكثر واكثر. شوفوا النبي صلى الله عليه وسلم ماذا يقول؟ ليتركوا ايه علاقة - [00:14:32](#)

عكسية. شفت انت لما صليت ايه اللي حصل؟ شف الجانب الثاني انت لما هتترك الصلاة ايه اللي هيحصل؟ لما هتفطر في الصلاة ايه اللي هيحصل؟ لما يكون شوية تأخري الصلاة شوفي ايه اللي هيحصل - [00:14:42](#) قال النبي صلى الله عليه وسلم ما من ثلاثة حديث عند احمد وابي داود والنسائي وابن حبان حديث ابي الدرداء ما من ثلاثة في قرية ولا بدو لا يؤذن للصلاة ولا يقام فيهم فيهم الا قد استحوز عليهم الشيطان. بيتك انت وزوجتك واولادك - [00:14:52](#) لا تصلون لا انت بتصلي ولا زوجتك بتصلي وهي بتقوم مع ولادك بالصلاة اللي حصل ما تجيش بعد كده تقول لي ابني عمل في خلاص هو ابنك استحوز عليه الشيطان انت - [00:15:10](#)

عليك الشيطان. مراتك استحوز عليها الشيطان. فلا هي راضية عنك ولن ترضى عنها. ولا اولادكم راضين عنكم. وحياتكم هتبقى بجحيم. ليه؟ خلاص. النبي يقول عليهم الشيطان. استحوز عليهم الشيطان. ما من ثلاثة في قرية ولا بدو لا تقام فيهم الصلاة ولا يؤذن الا استحوز عليهم الشيطان - [00:15:20](#)

الامر اخطر من كده. الامر اخطر من كده. النبي صلى الله عليه وسلم قال لنا ان المسألة مش هتبقى مسألة ان هو يستحوز عليك يتمكن منك. لا ده هيسخر بك وخلاص - [00:15:40](#)

يعني والعياذ بالله انا اسف آآ هيتخذك حمام يتبول فيك. ده كلام النبي صلى الله عليه وسلم. النبي صلى الله عليه وسلم يقول حديث عند البخاري من حديث مسعود ذكر للنبي صلى الله عليه وسلم رجل آآ نام ما زال نائما حتى اصبح - [00:15:50](#) فضل نايم لحد ما الصبح طلع لا صلى فجر ولا صلى قيام ولا عمل اي حاجة. خلاص؟ فقال النبي صلى الله عليه وسلم ذلك رجل بال الشيطان في اذنه. اتخذ - [00:16:06](#)

انسان كنيف اتخذ الانسان كنيف. الشيطان اتخذ الانسان كنيف. يتبول فيه. يتبول فيه. لما رجعت لاقوال العلماء لحديث يعني ايه؟ يعني ايه بال الشيطان في اذنه. قال القاضي هو على حقيقته. الحديث ده على حقيقته. والشيطان تبول في اذن هذا الانسان. اجتهد. في يعني شف هو يعني حتى - [00:16:16](#)

العلماء اللي قالوا ان الامر ده مش على حقيقته ده للاستعارة ده كلام استعارة قالوا سخر منه واستخف به واحتقره واستعلى عليه سخر منه يعني آآ احلاهما مر يعني يعني آآ يعني سبحان الله! سبحان الله! وقال بعض اهل العلم ده ده كناية عما يلقي الشيطان في اذن الانسان - [00:16:36](#)

آآ نام شوية نام شوية ها نام نام كمان نام نام نام نام سبحان الله! لحد ما الانسان ينام وفجأة تلاقي سبحان الله كل حاجة راحت. ضاعت الصلاة وبالتالي خلاص تمكن - [00:16:56](#)

الشيطان من هذا الانسان. فكان ابن مسعود رضي الله عنه يقول معلقا على هذا الحديث كفى آآ كفى آآ كفى امرئ اه من الشر ان يبول الشيطان في اذنه. يكفيننا من الشر ان الشيطان بل في اذننا. ده دليل ان ابن مسعود رضي الله عنه كان يذهب ان الحديث على حقيقته على حقيقته. ان يكفيننا من - [00:17:06](#)

ان الشيطان والعياذ بالله تبول في اذاننا. فطبعا مسألة خطيرة جدا جدا لازم ناخذ بالناس منها. يبقى اذا الصلاة هي الجولة الاولى بينا وبينه. هو هيجتهد غاية انه بيدك القاضي ينيمك. الله! طب انا هنجو ازاي؟ ما انت مش هتنجو غير لما تعرف هو هيعمل ايه معك - [00:17:26](#)

والشيطان له يعني كم حيلة كده علشان يضيع عليك الصلاة؟ تعالوا كده سريعا آآ نشوفهم حيلة حيلة بحيس ان شاء الله نجتهد غاية الاجتهاد. الحيلة الاولى ودي الجولة الاولى بينا وبين الشيطان. الجولة دي انت هتحس بها النهاردة. الجولة الاولى بينا وبين الشيطان

هي الصلاة. خلاص هي دي بقينا دخلنا دلوقتي حلبة الصراع. احنا دلوقتي دا حلبة الصراع بينا - [00:17:43](#)

الشيطان. الجولة الاولى احنا عندنا حداثر جولة. الجولة الاولى دخل فيها معنا فهو من البداية هيقول لك انا مش عايزك تصلي انا عايزك تنام. عايزك تنام فهيجي لك النهاردة وانت نايم بالليل آآ المنبه يضرب على الساعة اتنين آآ انت المفروض تقوم تصلي قيام ليل.

يقول لك نام شوية يا عم ريح شوية لسة الساعة اتنين ده الفجر - [00:18:06](#)

صعبة عليه ساعتين. نام لك ساعة بس. نام لك ساعة. سبحان الله! اه دي الجولة الاولانية. قال لك الكلام ده وانت اصله

تعبان طول النهار. اصل انت كزا. اصل انت كزا - [00:18:26](#)

وفعلا انت صدقت ونمت. تفاجئ ان تبص في الساعة بعد كده. الساعة بقت سبعة الصبح. الساعة لا الساعة تمنانية. وانت شغلك

المفروض تمنانية. تقوم بسرعة تلبس تجري وتجري ضاعت الصلاة حتى ما فكرتش انك تصلي. اصل انت خايف من ميعاد الشغل. يا

الله! يا الله! الجولة الاولى النبي يقول لنا فيها خدوا بالك الشيطان هيجي لكم قلوبكم - [00:18:36](#)

قال النبي صلى الله عليه وسلم يعقد الشيطان على قافية احدكم ثلاث عقد عليك ليوم طويل. يا عم لسه بدري. ريح شوية. خد بالك

انت كل يوم بتحس بالكلام ده. وخدي بالك برضو انت كل يوم بتحسي الكلام ده. آآ بس ما انتيش واخدة بالك ان اللي عمال -

[00:18:56](#)

يتكلم في ودانك ده هو الشيطان فيه ناس ما شاء الله لا قوة الا بالله قالت خلاص والله زي ما الجولة اللي الدرس اللي فات ما شاء

الله ناس برضه قالوا لي احنا برضو يعني حصل موقف - [00:19:13](#)

كده فقلنا ان ده الشيطان والله العزيم لازم آآ هنعدي نعمل الخير اللي احنا كنا عايزين نعمله ما شاء الله. انت النهاردة بس تتكلم يقول

لك عليه كلام طويل. يا عم لسة بدري لسه بدري الفجر لسه عليه بدري - [00:19:23](#)

نص ساعة. ده بين الاذان والقاب ده بيقدوا نص ساعة بالاذان والاقامة. ريح لك كل ربع ساعة وانزل عشان تعرف انت نازل كده تبقى

مركز وتعرف تصلي كويس انها تنزل دلوقتي وانت شايف قدامك لا ركز - [00:19:33](#)

راحت الصلاة. يبقى الجولة الاولى هو النهاردة هيعملها معك. الجولة الاولى هو هيعملها معك. عايز يدريك القضية القضية دي عليك

ليل طويل. انت تقول له ايه والله العزيم لهديحك النهاردة. طب هتدبحه ازاى ؟ اذبحه انك والله آآ عليه طويل ان شاء الله الليل

الطويل ده انا هذكر فيه ربنا وهستغفر وهقرأ قرآن وهصلي وادعي. ما شاء الله - [00:19:43](#)

ايه المشكلة؟ علي يوم طويل. انا هقوم. ادبح الشيطان النهاردة. ادبليه النهاردة. انا عايز النهاردة ان شاء الله. الجولة الاولى آآ انتم

تكسبوها. خد بالك ان اللي عمال اتكلم في ودانك دا شيطان عدو لك اوعى تسمع كلامه - [00:20:03](#)

افتتخذونه وذريته اولياء من دون يهلكوا عدو؟ اوعى تصدقه اوعى تسمع كلامه. لا ليل طويل ولا حاجة ده لسه على الفجر ربع ساعة

قم صل ربنا يصلح حالك. عايزك النهاردة تحرق - [00:20:17](#)

دمه عايزك النهاردة تقوم تصلي ركعتين وانت تقومي تصلي ركعتين ان شاء الله بحيس يعني نستشعر كده. هو كان عمال يقول لنا

عليك لوم طويل طب اقعد بقى عيط هنا كده وولول - [00:20:27](#)

زي ما انت كنت بتقول يا ويلي يا ويلي امر ابن ادم بالسجود فسجد فله الجنة. وامرت بالسجود فلم اسجد فلي النار. يبقى اول جولة

بيننا وبينه النهاردة في الصلاة في الجولة الكبيرة - [00:20:37](#)

اللي هي جولة صلاة هيقول لك واحد عليك ليل طويل. عليك ليل طويل. اتنين آآ خلاص انت الحمد لله كسبت الجولة الاولانية ودخلت

الجولة الاولانية ومنتصر بفضل الله انت قمت بتصلي. انت متوقع ان هو يسبيك ما تنساش ان انا قلت لك الدرس اللي فات -

[00:20:47](#)

ان هو عنده همة غير عادية. عنده همة غير عادية. النبي صلى الله عليه وسلم قال اذا نودي للصلاة ذهب الشيطان الى الروحاء حتى لا

يسمع الاذان. الروحاء قلت لكم على بعد - [00:21:04](#)

سته وتلاتين ميل من المدينة كما في صحيح مسلم ويرجع ثاني بعد ما الاذان يخلص. ويفضل قاعد معك شوية كده يوسوس لك

أتأخر شوية قل مش عارف ايه زي ما نعرف دلوقتي ويرجع تاني يروح. فخد - [00:21:14](#)

بالك من الكلام ده ان هو عنده همة عالية اوي مش هيسيبك. فمش معنى ان هو خسر الجولة الاولانية وانت على السرير لما كان عمال يقول لك عليه لو طويلا ان هو خسر جولة ان هو خلاص يستسلم. هو مش هيستسلم ابدأ - [00:21:24](#)

ابدا. مش هيستسلم ابدأ. فانا عايز اقول هو هيفضل معنا جولة ورا جولة. الجولة الثانية هيجي لك على طول وانت بدأت الصلاة الله اكبر انت بدأت الصلاة في المسجد. بدأت الصلاة في بيتك مسلا قيام الليل او حاجة. آآ يقول لك خد بالك - [00:21:34](#)

آآ انت شايف السجادة بتاعتك دي شايف الخط ده طالع منين وده جاي منين انت واقف في المسجد الله اكبر ما شفتش الساعة الجديدة اللي جابوها في المسجد تبص على الساعة - [00:21:52](#)

ما شفتش مش عارف ايه بصوا على كذا بصوا على كذا هيفضل يخليك ايه تلتفت يمين وشمال خدت بالك ويلبخك بالساعة هنا ويلبخك بالصورة الجميلة اللي على الجدار - [00:22:02](#)

السجادة بتاعتك رايحة في الخط ده رايح فين وده جاي منين وده رايح فين او يلبخك انت واقف كده فعمال تبص على على القميص بتاعك المقلم والمربعات والخطوط والدواير اهل بخك بيخني بايه - [00:22:12](#)

تاني جولة هيقل لك اكثر من الالتفات. بصوا فوق تحت. خليك بقى ايه عامل زي التغلب كده تبص يمين وتبص شمال منين الكلام ده ؟ الجولة الثانية نخش مع الشيطان قال النبي صلى الله عليه وسلم حديث في الصحيحين من حديث آآ والحديث معذرة آآ في صحيح البخاري من حديث عائشة ان النبي - [00:22:25](#)

النبي صلى الله عليه وسلم سئل عن الالتفات. سئل النبي عن الالتفات فقال اختلاس يختلسه الشيطان من صلاة العبد هو زي ما قلت لك انت عندك هتأخذ قوة كبيرة جدا من الصلاة. انت قمت تصلي هو مش هيسيبك. هو خلاص طالما انت قمت في الصلاة هو كان في البداية عايزك ما تأخذش اي حاجة من القوة - [00:22:43](#)

ولكن انت دخلت فيحاول بقدر المستطاع بدل ما كنت هتأخذ قدر كبير لا انت هتأخذ قدر صغير فهيعمل ايه ؟ اتنين الجولة الثانية للالتفات بص يمين وبص شمال. طب آآ ابص يمين وابص شمال - [00:23:03](#)

ليه ؟ ده اختلاس في الخشوع. لان انت النهاردة داخل في الصلاة خاشع. بدأت تبص فوق بدأت تبص مش عارف ايه. بدأت تيجي كده. يبقى ده اختلاس من الخشوع كما قال سلمي - [00:23:13](#)

الخشوع كما قال بعض اهل العلم بعضهم قال سلب من كمال الصلاة. لان انا لما ابص على الساعة لما ابص على اللوحة لما ابص على النور لما ابص على الامام - [00:23:23](#)

كل ده كل ده هيخلي الزين ينشغل والعبد لا يكتب له من الصلاة الا ما عقل منها وما تدبر وما فهم. ثلاثة او اسمع الحديث ده وعشان اقول لك هو ليه جاي لك بالزات في الالتفات ؟ قال النبي صلى الله عليه وسلم ان العبد اذا قام يصلي اقبل الله عليه بوجهه ينجيه - [00:23:33](#)

ما لم يلتفت عايز يضيع عليك الخير ده. ربنا يقبل عليك بوجهه اقبال يليق بذاته وجلاله سبحانه وتعالى. اقبل على الله اقبل الله على عبده ينجيه ما لم يلتفت. بدأ يلتفت انصرف الله عنه. يبقى هو عايز يخرجك من الخير ده. عايز يخرجك من الخير ده. ليه ؟ علشان تبص هنا وتبص هنا وتبص هنا. اصل النبي قال - [00:23:54](#)

ان العبد اذا قام فصلى ركعتين لا يحدث فيهما نفسه غفر له ما تقدم من ذنبه. عايز يسرق دي منك. يسرق الاجر ده منك. لانه غفر له ما تقدم من ذنبه دي هتخلي - [00:24:14](#)

الطاقة الايمانية عندك علت لا واساءها منك. فيقول لك بص هنا بص هنا. طيب انا اتغلب على الشيطان في النقطة دي بايه ؟ عينك موضع سجودك ما تحركهاش خالص ازاي ؟ النبي صلى الله عليه وسلم يقول كما في حديث عائشة كان النبي صلى الله عليه وسلم اذا صلى طأطأ رأسه مش طأطأ يعني فرقعها لا طأطأ يعني ايه ؟ رمى - [00:24:24](#)

في موضع سجودك كده اهو حط الدقن دية كده والعين في موطن السجود. في موطن السجود. وحديث بلال دخل النبي الكعبة

فصلى فيها ركعتين. لم يجاوز فيهما بصره موضع سجوده. عفيف موضع السجود - 00:24:44

طب ينفع اغمض يا شيخ؟ ينفع غمض؟ والله كثير من العلماء على الكراهة وابن القيم يقول الخشوع هو روح الصلاة. واذا كان هذا الخشوع لا يتم الا بتغميض فلا شيء في ذلك ذكر ذلك في كتابه زاد المعاد. فنقول ماشي على قول ابن القيم ماشي ممكن تغمض عينيك بس ده ابتداء وبعد كده عود نفسك انك تخشع من غير - 00:25:00

غمض عينيك. يبقى الجولة الثانية اوعى تخسرهما هيقول لك آآ بص فوق بص تحت انزل لا لا لا خلاص انا عيني تحت موضع السجود كما كان النبي صلى الله عليه وسلم - 00:25:20

يصنع الجولة الثالثة. الجولة الثالثة بينا وبين الشيطان عنده لعبة خطيرة جدا. اللعبة دي اه دايم بيلعبها مع كثير جدا من الناس اكثر الاسئلة او معظم الاسئلة او كثير جدا من الاسئلة دايم بتجيلي عندي في المسجد او بتجيلي في التليفون يا شيخ انا ببقى اصلي الله اكبر بصلي وحاسس ان في اعزكم الله في ربح خرج - 00:25:30

حاسس ان انا اقول لك خد بالك خد بالك استنى استنى استنى استنى. ده شيطان. شيطان! آآ وايه علاقة الشيطان بخروج الريح من الانسان؟ خد بالك ما هي دي الجولة الثالثة اللي احنا هنخش فيها مع الشيطان في في - 00:25:50

هو مش قادر يخلي آآ عينيك تلتفت للساعة او تلتفت مش عارف ايه هو مش عارف كده خالص. ولا عينيك تلتفت في القميص اللي قدامك زي ماركة ايه الراجل تصلي قدامك ولا البنطلون ده ماركة ايه ده ماركة مش عارف ما قدرش يعمل معك كده. هيبأس ما انا قلت لك ده هميته عالية جدا. طب هيعمل ايه؟ هيجي لك بقى في لعبة خطيرة جدا - 00:26:01

باب تالت من ابواب الشيطان وده ودي الجولة الثالثة ان احنا نخش فيها. ايه قصة الجولة الثالثة؟ قصة الجولة الثالثة ان الشيطان هيجي عند اجزاء معينة في جسمك ويبدأ يطعن فيها - 00:26:21

فلما يبدأ يطعن فيها كده انت تحس اه ده في في ربح خرج. لا خد بالك ده الشيطان يا حبيبي خد بالك ده الشيطان شقي للنبي صلى الله عليه وسلم هذا الامر. الصحابة اشتكوا للنبي. الرجل يجد الشيء في بطنه حس ان فيه جوة في بطنه كده في زي ما احنا بنقول اللي عندنا في مصر كده في زغورة في بطنه يعني. هو حاسس ان هو - 00:26:31

مش طبعي ايه اللي حصل؟ ده ده شيطان. شيطان شوكي للنبي صلى الله عليه وسلم. الرجل يجد شيئا في بطنه ويصلي. قال لا يخرج حتى يسمع صوتا او يجد ريحا. طب - 00:26:49

ايه علاقة ده بالشيطان؟ شف بقى الاحاديث الجميلة اللي النبي قالها لنا علشان يقول لنا خدوا بالكم ده في جولة تالتة مهمة اوي هيبدا يلاعبكم بها علشان تخرجوا من الصلاة - 00:26:59

اقل قدر ممكن من الطاقة. النبي صلى الله عليه وسلم حديث عند احمد وابن حبان حديس ابي سعيد قال النبي صلى الله عليه وسلم اذا اتى الشيطان احدكم في الصلاة فقال له احدث - 00:27:09

فليقل له كذبت الله ده اكن اللي رمى في وداني. خد بالك. خرج منك ربح. يا كذاب ايه يا كذاب! دا دي جولة تالتة انت داخل فيها معي! كذاب! كما قال النبي فليقل له كذبت! كذبت! شف بقى! طيب هو قال لك وسوس - 00:27:22

انك بص انت خرج منك ريحة وسوسة انت قلت له كتبت ماشي اصبر علي. طيب شف هيعمل ايه. روى احمد في مسنده باسناد قوي كما يقول الشيخ شعيب رحمه الله. شف هيعمل ايه؟ هو جه في البداية قال لك انت خرج انت احدثت - 00:27:41

انت تقولوا كذاب هيعمل ايه؟ قال النبي صلى الله عليه وسلم يأتي الشيطان احدكم في الصلاة فيأخذ شعرة من دبره فيمدها فيرى انه وقد احدثس يجي على شعره يشدها كده فانت تحس ان انت احدثت - 00:27:58

وقال النبي صلى الله عليه وسلم فلا يخرج اوعى تخرج هذا شيطان فلا يخرج حتى يسمع صوتا او يجد ريحا. طيب هو انت آآ عرفت خلاص قصة الشعرة طب شف النبي صلى الله عليه وسلم ماذا يقول كما روى الطبراني والبزار باسناد صحيح كما قال الشيخ الالباني رحمه الله من حديس ابن عباس يأتي الشيطان احدكم قصة الشعر من - 00:28:12

يأتي الشيطان احدكم فينقر عند عجانه. عجانه دي الجزء اللي هو ما بين القبل والدبر. الجزء ده ييجي الشيطان يفضل يطعن فيه كده

يطعن اطعن يصعد يصعد ليه؟ فانت تحس ان فيه ريح خرج منك. قال النبي صلى الله عليه وسلم فلا ينصرف حتى يسمع صوتا او يجري ريح. العب غيرها يا حبيبي. قصة الشعرة وقصة - 00:28:32

الطعن وقصة انك تقول لي احداث خلاص يا حبيبي العب غيرها. عرفنا ان ده شيطان هاستعيز بالله ولا اخذ من الصلاة حتى يتقن ان فعلا فيه حاجة طب هيجي يعمل ايه؟ هيتقرب منك قوي ويتودد بك قوي - 00:28:52

والله ده نص كلام النبي. مش بالنص يعني. ولكن هو ده معنى كلام النبي. انا بقول المعنى وهقول النص النص فيه لغة عربية فصحي شوية ممكن ما نفهمهاش. هفهمها لكم دلوقتي. هيقرب منك قوي - 00:29:07

ويطبطب عليك ويمسح على ضهرك كده ويقول لك يا حبيبي ويا روح قلبي انت احدثت خد بالك. اخرج من الصلاة بس دي الجولة الثالثة. لازم يخرجك لازم يقلل الطاقة الايمانية جواك. شف النبي صلى الله عليه وسلم ماذا يقول. والحديث رواه احمد بسند قوي -

00:29:17

من حديث ابي هريرة ان النبي صلى الله عليه وسلم قال ان احذكم اذا كان في الصلاة جاء الشيطان فابس فابس به كما يبس الرجل دابة يقرب منك قوي زي ما انت بتقرب من دابتك الدابة بتاعتك وتمسح كده على ضهرها وتقرب منها وخلاص بقى لحد ما تهديها

خالص وبعد كده تركب عليها - 00:29:33

بعد كده تتحرك بك. قال النبي صلى الله عليه وسلم فاذا سكن فاذا سكن له طعن بين اليديه اسمع ماذا يقول الانسان ليفتنه عن صلاته ليفتنه عن صلاته. فقال صلى الله عليه وسلم فاذا وجد احذكم هذا - 00:29:53

فلا يخرج من صلاته حتى يسمع صوتا او يجد ريحا. يا الله! ايه التفكير ده بيفكر ازاى؟ ما انا قلت لك هو عايز يخرجك خلاص انت دخلت خلاص ما عدش فيه بد بقى خلاص. انت دخلت يعني هتأخذ قدر من الايمان عالي جدا قواك الايمانية هتعلو فبالتالي -

00:30:11

ويحاول بقدونس ايه يقلل بقدر المستطاع. يقلل خالص بقدر المستطاع. بحيس تخرج باقل قدر ممكن من الحسنات. الجولة الرابعة العب غيرها يا حبيبي خلاص انا مش اخوك العب غيرها كده انا هسيب ده انا وراك وراك مش هسيبك هعمل ايه؟ يلا ابدأ يا حبيبي

الفاتحة بتاعتك. الله اكبر. انت هتقرأ الفاتحة. التحيات لله - 00:30:27

تحيات لله ايه علاقة التحيات بلال فتحة ده هي دي الجولة الرابعة الجولة الرابعة هيعمل فيها ايه؟ الجولة الرابعة هيجي لك هو فيه واحد متخصص لكده. متخصص للجولة دي - 00:30:52

الجو الرابعة دي هيجي لك ومش هيخليك تعرف تركز في اي حاجة من قراءتك لا تعرف تجيب اول الاية ولا اخر الاية مرة واحد تلاقيك نفسك وقفت هو انا بقرأ في ايه؟ يا جماعة ده انا بدأت اصلا كنت بقرأ دلوقتي في ياسين. ايه اللي دخلني فاطر؟ انا كنت بقرأ

في البقرة ايه اللي دخلني في الاعراف؟ هو ايه اللي بيحصل بالزبط؟ ايه اللي بيحصل بالزبط؟ يلبس عليك - 00:31:04

وسبحان الله يخلي اللي وراك كمان يلبس عليك القراءة اكرر. يعني مرة آآ كنت باصلي في مسجد والامام بيقول اذ قال موسى لقومه فهي الاية اذ قال موسى لقومه. هو قال واذ قال موسى لقومه. فهو لبس عليه القراءة. سبحان الله! على ما بدأ يفوق ويعرف ان هو

اخطأ كان وراه واحد - 00:31:22

برضو الشيطان تلاعب به قام لما جه يرده مش يقول له اذ قال موسى لقومه. قام قايل له ايه؟ اذ قال على طول يا عم الشيخ من غير واو. خلى الناس كلها وقعت في الارض. سبحان الله - 00:31:41

في شيطان متخصص في الجولة الرابعة. الجولة الرابعة انه يلبس عليك القراءة. يخلي القراءة كلها تخش عليك يمين وشمال ويضيع عليك آآ سواب القرآن. شف النبي صلى الله عليه وسلم آآ ماذا يقول؟ آآ كما روى الامام مسلم في الصحيح من حديث عثمان بن ابي

العاص قال يا رسول الله ان الشيطان قد حال بيني وبين صلاتي واقرا - 00:31:51

يلبسها علي. فقال النبي صلى الله عليه وسلم ذلك شيطان يقال له خنزب يقال له خنزب وعند احمد في مسنده من حديث ابي روح رضي الله عنه قال صلى بنا رسول الله صلى الله عليه وسلم صلاة فقرأ فيها - 00:32:11

فيها فروم فلبس عليه بعضها. النبي صلى الله عليه وسلم آآ اتلبس عليه في بعض القراءة. نسي اية او اتنين وقراه ايه اتلبس على النبي صلى الله عليه وسلم فيها - [00:32:29](#)

قال النبي صلى الله عليه وسلم انما لبس علينا الشيطان القراءة. اللي لبس علينا القراءة النهاردة هو الشيطان. هيبجي يفضل بقى ايه؟ يلبس عليك القراءة بحيس ما تبقاش عارف انت بتقرأ ايه ولو بتقرأ في سورة تلاقيك تدخل في صورة تانية او لغبطك في القراءة او مخليك مش مركز في الصورة. ده كله ليه؟ علشان - [00:32:39](#)

ده يضيع اجر القراءة ويضيع بعض القوى الايمانية اللي انت كنت هتحصلها آآ في الصلاة. علشان كده النبي صلى الله عليه وسلم قال لعثمان بن ابي العاص لما قال له ده ده شيطان - [00:32:59](#)

يقال له خبز متخصص في الجولة دي. متخصص في الجولة الرابعة. متخصص في ايه متخصص انه يلبس عليك القراءة. فالنبي قال له قال له هتعمل ايه بعد ما اعرفه؟ خد بالك ان ده شيطان. قال له فاذا وجد فاذا احسسته اذا حسيت ان خنزة بده - [00:33:09](#) جه وقعد بقى يلبس عليك القراءة فتعوز بالله منه واتفل على يسارك ثلاثا واتفل على يسارك سلاسة. قل اعوذ بالله من الشيطان الرجيم على يسارك ثلاثا. ولما تيجي تقرأ كمان في البداية حاول دايمًا قبل ما تقرأ انك تستعيز بالله من الشيطان الرجيم. كان النبي صلى الله عليه وسلم اذا دخل في الصلاة فبدأ القراءة قال - [00:33:24](#)

اعوذ بالله من الشيطان الرجيم من همزه ونفخه ونفته. وربنا سبحانه وتعالى امرك في القرآن انك اذا قرأت القرآن فاستعذ لو قرأت القرآن استعذ على طول بالله من الشيطان الرجيم علشان خد بالك انك الشيطان ما يلبسش عليك القراءات. وبخاصة وبخاصة الناس اللي هي بقى ايه؟ آآ اللي هي بتقف في الصلاة صم بقى - [00:33:44](#)

عمي الله اكبر وتلاقيه واقف كده عامل زي الصنم لا يؤه بيتحرك ولا السانوي بيتحرك ولا اي حاجة بتتحرك هو واقف كده وخلص لا لا لأ اوعى تعمل كده اوعى تعمل كده - [00:34:04](#)

لو بتصلي الصلاة حاول دايمًا انك تعلي صوتك شوية اوي بالقرآن. ليه؟ لان القلب بين اللسان والودان. القلب بين اللسان وهو والودان دي هو هنا كده. آآ لسانها بيقرأ والودان بتسمع هتلاقي القلب على طول شغال وحاضر معك. علشان كده كان سيدنا عمر رضي الله عنه لما النبي قال له انت بتقرأ القرآن بصوت عالي شوية ليه؟ فقال له يا رسول الله - [00:34:14](#)

الشيطان وفي رواية آآ ابعد آآ الشيطان. يبقى اذا انا عايزك كده اهو يعني اول ما تيجي تقرأ كده تاخذ بالك ان اللي هيلبس عليك القراءة هو الشيطان فحاول بقى دايمًا تستعذ بالله علشان تنجو من هذه - [00:34:34](#)

الجزئية هيسيبك؟ لا مش هيسيبك طبعًا انت قرأت ما شاء الله وزى الفل والاخت رطلت كده بصوت جميل ما شاء الله. ربنا يا رب يحفظها ونجد في الجولة الرابعة نيجت من الشيطان في الجولة الرابعة هيسيبك؟ لأ طبعًا. هيسيبك؟ لأ طبعًا مش هيسيبنا. هو يفضل ورانا. هو بيقول لك هي جولات. الجولة خمسة. الجولة الخامسة ممكن - [00:34:47](#)

بتقول ايه؟ الجولة الخامسة كلنا بنقع فيها. بس خد بالك ان ده شيطان هو جاي عايز يقلل قدر الصلاة. فهيعمل لك اضطراب هيعمل لك هزة كده. هو كل اللي عايز يعمل يدك خبطة كده الخبطة دي - [00:35:10](#)

في وشك تدوخ. فلو دخت يبقى سهل جدا يدك الخبطة التانية ينيمك. فانا عايزك ما تدوخش عايزك تبقى مركز وعايزك تبقى فايق علشان تعرف ان هي جولات. واعظم جولة عندنا - [00:35:22](#)

ده هي دي اصل الايمان خد بالك انتبه! انتبه! انتبه! انتبه! ربنا يحفزك ويحفزه! آآ هيعمل ايه الله اكبر هو حضرتك صليتوا ركعتين ولا ثلاث ركعات اه صحيح هو انا صليت اتنين ولا ثلاثة - [00:35:32](#)

لا لا لا هو انا صليت ثلاثة ولا اربعة هو ده الصليب اصلا؟ طبعًا انا سجدت سجدة ولا اتنين؟ انا انا بعمل ايه؟ الله الله اه ده دي جولة خمسة من جولات الشيطان هيعمل ايه؟ هيجي لحضرتك كده - [00:35:50](#)

نيجي لحضرتك ويبدأ بقى ايه يلعب في دماغك. انت صليت انا صليت ركعة. انت صليت واحد ولا اتنين؟ لا لا يا حبيبي هي واحدة بس هي واحدة بس. الوحدة دي اللي انا قلت فيها في الركعة - [00:36:03](#)

بصورة كزا وكزا ودي الركعة الثانية. لا لا انت صليت ثلاثة. لا يا حبيبي انا صليت اثنين بس. انا جهرت في الاثنين. انا لسة ما قصرتش بحاجة خالص بفضل الله. دا واحد قاعد مركز - [00:36:13](#)

وعارف ان فيه شيطان هيجي يلعب له في دماغه في الحنة دي. طب آآ يعني اعمل ايه؟ خليك مركز خليك مركز. بس مركز بتدبرك وتفكر في معاني الصلاة مش زي صاحبنا الثاني اللي كان مركز داخل الصلاة مع الامام. الامام في في الركعة الثالثة قعد للتشهد. قعد يتشهد والناس يقولوا سبحان الله وناس - [00:36:23](#)

سبحان الله وناس ساكتين. فقال لها هي دي الرابعة فخلص في الرابعة. السلام عليكم ورحمة الله. والسلام عليكم ورحمة الله. المسجد اختلف. ناس تقول ثلاثة وناس تقول اربعة. ناس تقول ثلاثة وناس تقول ده يخصم ان دي ثلاثة وده يقسم ان دي - [00:36:43](#) لحد ما جه واحد بقى كان مركز مركز تركيز ما بعده التركيز في الصلاة. واحد جاي من اخر الصف قال والله يا جماعة انت يا فضيلة الشيخ ما صليتش الا ثلاثة. قال له ما شاء الله وانت متأكد - [00:36:53](#)

كده ليه؟ ايه التركيز العالي قوي في الصلاة ده؟ قال له والله يا اصل فضيلة الشيخ انا عندي اربع محلات عملت حسابات ثلاثة لسه الرابع في الركعة اللي حضرتك ما صلتهاش. ما شاء الله. احنا مش عايزين التركيز ده. احنا عايزين - [00:37:03](#) التركيز الثاني بتاع الصلاة. التركيز انا عارف الركعة الاولانية عملت فيها ايه؟ والركعة الثانية عملت فيها ايه؟ والركعة الثالثة عملت فيها ايه؟ ورابعة انا عملت فيها ايه؟ هو دا التركيز اللي احنا عايزينه - [00:37:13](#)

فالجولة الخامسة معنا النهاردة مع الشيطان خد بالك هيعمل ايه هيجي لك ويبدأ بقى يشكك في عدد الركعات. يشكك في عدد الركعات. قال رسول الله صلى الله عليه وسلم حديث في الصحيحين. ان اه قال صلى الله عليه وسلم - [00:37:23](#) ان احدهم اذا قام يصلي جاء الشيطان. الله شفتم النبي اتكلم على كل جزئية من جزئيات هيعمل معنا ايه؟ بس للاسف مين اللي كان هيجمع لنا التجميعه دي؟ يا رب كده يتقبل منا هذه الدروس يا رب يتقبلها منا - [00:37:37](#)

اه ان احدهم اذا قام يصلي جاء الشيطان فلبس على الانسان منكم صلاته حتى لا يدري كم صلى حتى لا يدري كم صلى او ركعتين صلى ام ثلاث. ثلاثة ولا اربعة صلى الركعة ولا اثنين. مش عارف - [00:37:51](#)

فهنا ايه اللي يحصل؟ هنا لازم تكون مركز قوي. لازم تكون عارف انت عملت ايه وسويت ايه. علشان خد بالك ان دي جولة هو مستنيك فيها. هو مستنيك عند الجولة الخامسة. انت بفضل الله عديت من ده - [00:38:09](#)

كله بس خد بالك هو في الجولة الخامسة واقف لك ومستنيك ومنتظر لك تماما. خد بالك وانتبه. طيب انا فعلا لو هو قدر فعلا انه انه شككني فعلا. يعني انا الحمد لله كنت مركز على طول. وبعدي من الجولة دي. بس انا النهاردة في صلاة العشاء فعلا انا نسيت. اعمل ايه - [00:38:19](#)

انا خلاص خلاص احنا هنعمل حاجة وهنجيب مناخيره الارض. نجيب مناخيره الارض الزايدة احنا مش عارفين الصلاة كم دلوقتي. قال النبي ما هو النبي اللي قال لك هو هيعمل معك ايه؟ قال لك برضو انت هتعمل معه ايه - [00:38:38](#) بحيس النبي صلى الله عليه وسلم هو اللي بيقول لك اسمع كلامي بس. لو سمعت كلامي صدقني هنجيب الشيطان الارض نعمل ايه يا رسول الله؟ فقال النبي صلى الله عليه وسلم فاذا جاء احدهم فاذا جاء احدهم يعمل ايه؟ فليتحري. اتحري شوية. اتأكد كده - [00:38:48](#)

فضل شاكك فاذا لم يتبين فليبني على الاقل. يشوف اثنين ولا ثلاثة لأ هم اثنين. طب تعيط على اربعة؟ لأ ثلاثة. ابدأ على الاقل. طب وبعد كده قال النبي صلى الله عليه وسلم فاذا انهى صلاته فليسجد سجدين بهما يرغم انف الشيطان. آآ الرغام والتراب. هتجيب انف - [00:39:06](#)

في الارض. السجدين دول ترغما لانف الشيطان. يبقى حبيبي انت كنت مستنيني لا مش حبيبي. عدو انت كنت مستنيني في الجولة الخامسة. طب والله العظيم ده انا اجيب مناخيره الارض. عشان بعد - [00:39:26](#) ما تجيش تقول لي انت صليت ركعتين ولا ثلاثة. يا سلام يا سلام! هات مناخيره الارض. بس مش عايز تجيب مناخيره الارض. انا

عايزك تبقى فاهم وواعي وعارف انت بتصلي ازاى. صليت اتنين ولا ثلاثة. ماشي كده؟ دي الجولة الخامسة. الجولة السابعة. عدت من
[00:39:36](#) -

الذي بفضل الله انت واعي كويس اوي. واعي كويس جدا. انت صليت كم ركعة؟ هيستناك في الجولة السابعة. الجولة السابعة بينك
وبينه الله اكبر انت صايم النهاردة ليه النهاردة كان خمستاشر - [00:39:50](#)
هي طاولة طبخة ايه النهاردة طبخة لحمه ولا فراخ لا لا لا صح صح هي طبخة فراخ لان امبارح انا اجيب لها فرخة وهي قالت لي انا
هعمل النهاردة فراخ - [00:40:06](#)

ايه ده! ايه ده اسمع كده للنبي بيقول لك ايه خد بالك الجولة السابعة بيعمل فيها ايه؟ الحديث في الصحيحين من حديث ابي هريرة
ان النبي صلى الله عليه وسلم ان احكم اذا قام في الصلاة - [00:40:16](#)
اقبل الشيطان بين المرء ونفسه يقول له اذكر كذا اذكر كذا لم لم يكن يذكر كل حاجة انت كنت ناسيها قبل الصلاة دخلت الصلاة الله
اكبر جاب لك شريط حياتك كله من اوله لاخره - [00:40:27](#)
جاب لك شيل حياتك قل اذكر كذا اذكر كذا فاكرك فلان عمل ايه؟ فاكرك فلان فاكرك سنين فاكرك عين فاكرك صبر فاكرك الله الله ايه
اللي بيحصل ده؟ اه ما هو كده - [00:40:44](#)

هو الشيطان كده. هيجي لك في الجولة السابعة احنا في الست اول السابعة ستة ولا سبعة؟ نمت طيب في الجولة السابعة الجولة
السابعة بيقول ان الشيطان النبي صلى الله عليه وسلم بيقول لنا فيها هيجي لك ويبدأ يفكرك بحاجات انت ما كنتش في كده خالص -
[00:40:54](#)

طب هنا اعمل ايه؟ طب هو بيفكرني بالحاجات دي ليه؟ شف النبي صلى الله عليه وسلم ماذا يقول ان العبد اذا توضع فاحسن وضوء
ثم قام يصلي ركعتين لا يحدث فيهما نفسه. اسمع من لفظ النبي لا يحدث فيهما نفس - [00:41:10](#)
الا غفر له ما تقدم من ذنبه. يعني ايه؟ طب هو في حد اصلا على وجه الارض اصلا ما بيتجلهوش وسوسة في الصلاة لا خد بالك خد
بالك ان في فرق كبير قوي - [00:41:24](#)

فرق كبير اوي اوي اني اقول لك ان لا فعلا ممكن واحد يقوم يصلي ولا يحدث نفسه. فيه بس في فرق كبير قوي بين يحدث
نفسه ونفسه تحدثه فرق كبير بين الاثنين. النبي لما قال لك قال لك رحمة بك لان عارف ان اي حد هيتوسوس له لا يحدث نفسه مش
العكس. فهمنا يعني ايه لا يحدث نفسه او نفسه تحدثه - [00:41:37](#)

الله اكبر انا بدأت الصلاة. نفسي قالت لي هي زوجتك طابخة ايه النهاردة؟ انا رديت على نفسي فقلت ده طابخة كذا وعاملة كذا
وعاملة مش عارف ايه وعاملة اه اه - [00:41:59](#)

النبي قال لك ان ما فيش انسان على وجه الارض الا ونفسه هيتحدثه في الصلاة بس انت ما تحدثهاش. هي طبخة ايه النهاردة؟
اعوذ بالله من الشيطان الرجيم. بسم الله الرحمن الرحيم. وتكمل صلاتك. ده هي زمان الاكل اتحرق على البوتاجاز - [00:42:10](#)
بسرعة اجري اقلي البوتاجاز الحمد لله رب العالمين. الرحمن هيجي الشيطان يفكرك بحاجات انت ما كنتش فاكراها. خدي بالك
خدي بالك من ده. خدي بالك. طب هنا اعمل ايه؟ استعيزي بالله ثلاثا - [00:42:24](#)

استعيزي بالله واتفلي على يسارك ثلاثا ان شاء الله ربنا يبعد هذا الشيطان عنك طيب الجو رقم سبعة الجولة رقم سبعة جولة بتحصل
من الشيطان في صوت الجماعة بالذات وانت نازل تصلي جماعة - [00:42:37](#)

كل ده الصلوات اللي ممكن تكون في البيت او صلاتك في المسجد بس في صلاة الجماعة في جولتين مهمين اوي. الجولة السابعة
بتقول ان الشيطان قبل صلاة الجماعة هيجي لك - [00:42:56](#)

ويفضل يقول لك بص هو فيه ربع ساعة بين الاذان والاقامة اتصل على عمك من باب صلة الرحم بسرعة وهتنزل بسرعة في خمس
دقايق تنزل تصلي لك الركعتين سنة وهتبقى مزاجك ازاى بفضل الله. تلحق تكبيرة الاحرام والكلام ده. تتصل على عمك انت فين ده

- [00:43:07](#)

دور عليك خير يا عمتي ده انا محتاجة منك كزا وكزا وكزا. وانا مش عارف عايزة كزا وعايزة كزا. طب دي نجيب بقى من الحطة
الفلائية ودي نجيبها من الحطة الفلانية. طب يا عمتي حضرتك عايزة حاجة؟ اه الحمد لله مع السلامة - [00:43:25](#)
حبيبي مع السلامة حبيبي. عايزين نشوفك مع السلامة. سلام عليكم. تقفل السماعة آآ تبص في ايديك كده ياه ده انت كنت نازل تصلي
الضهر لا العصر هياذن ايه اللي هيحصل؟ اللي هيحصل ان هو هيجي لك بين الاذان والاقامة يفضل يقعدك في البيت - [00:43:35](#)
يقول لك على اعمل كزا سوي كزا. بص هو دقيقتين كده على انت. ارفع حديس بس على ارفع حديس على الصفحة بتاعتك. علشان
عشرات ومئات من الناس يشوفوا الحديس ويبقى - [00:43:51](#)

ده انت يا دوبك على ما تنزل تصلي وتيجي بعد ما ترفع الحديس يكون فيه مئات من الناس عملوا لك مش عارف كومتات ومش
عارف ايه وحاجات من كده تطلع تخش تلاقي في مشكلة على انت تفضل تظبط فيها وتعمل فيها وتعمل مش عارف ايه وتظبط ايه
وتعمل ايه وتسوي ايه. تيجي تبص تلاقي ايه الصلاة عدت تلاقي الراجل بيقم على ما تنزل بسرعة تيجي تدور على الشبشب -
[00:44:01](#)

اعزك الله تدورا على الحزاء بتاعك ما انتاش لاقيه. ما انتاش لاقيه. تدور يمين وتدور شمال على ما تلاقيه وتنزل بسرعة تتكعبل تقع
على وشك على السلم على ما تقوم وتزبط نفسك وتطلع جري على المسجد تلاقيهم خلاص - [00:44:19](#)
صلاة الجماعة او تلحقه في اخر ركعة دي جت منين؟ شف النبي صلى الله عليه وسلم ماذا يقول قال النبي صلى الله عليه وسلم ان
الشيطان اذا سمع النداء اذا سمع الاذان ذهب حتى يكون بروحه. قلت لكم ده ستة وثلاثين ميل. خلاص ما عدش فيه اذان. الاذان
الراجل خلص. عاد فاو - [00:44:29](#)

عاد فوس وسيد اصبر شوية انتز انت ليه تتوضأ قبل الاذان؟ الوضوء مش هياخد دقيقتين بعد الاذان اه انتز دقيقتين بس دقيقتين
بس اه على ما تقوم اه يخلص اذان على ما تقوم تتوضى وبعد كده تيجي تدور على القميص بتاعك ما انتاش لاقى قميص مكوي -
[00:44:44](#)

فتبدأ تكوي القميص بتاعك على مش عارف تعمل ايه. تلاقي نفسك نازل متأخر. قال رسول الله صلى الله عليه وسلم وهو ده اللي
الشيطان عايزه. ولا يزال اقوام يتأخرون عن - [00:45:04](#)
في الاول حتى يؤخرهم الله. في رواية صحيحة حتى يؤخرهم الله في النار عرفت الجولة السابعة من الشيطان وعايز منك ايه؟ يا
عم اقعد شوية يا عم. يا عم اقعد. اعمل اتصال اعمل كزا، اعمل سوي كزا - [00:45:14](#)
انزل اشتري للبت كزا وتعال بسرعة طب استنى شوية هكوي القميص قبل الصلاة طب ليه ما هو في وقت من الاذان والاقامة يفضل
يبطأ يبطأ يبطأ يبطأ حضرتك آآ قومي بسرعة - [00:45:29](#)

اغلي اللبن الاولاد هيشربوا لبن. عايزين يشربوا لبن. طب انا هغليه؟ طب انا هغليه قبل الصلاة؟ طب دقيقتين كده تنشغلي. تيجي
تولعي النار قبل الصلاة. آآ ساعة الاذان على منمار تغلى على ما اللبن يغلي تجيب اللبن وتعملي الاولاد وتبدأ توزعي الاولاد واشرب يا
ولد واشرب يا بنت واشرب مش عارف ايه انا هصلي اهو هصلي اهو تبص تلاقي - [00:45:39](#)
بعد ما انت كنت منتزرة صلاة الضهر. يبقى هو عايز يعمل ايه؟ يأخر يأخر يأخر يأخر يأخر الناس. خدوا بالك من دون لان ده
جولة من اخطر الجولات للشيطان العلاء - [00:45:59](#)

انا ربنا يصلي قبل الاذان اصلا فيه وقت خلاص قم اتوضأ وصل وانزل انزل رح الجامع. خد آآ سواب انك تنزل المسجد بدري وتقع
تعتكف شوية لحد الاذان وبعد كده توضح الاذان في المسجد ما شاء الله لا قوة الا بالله. انا خايف عليك انك تدخل في هذا الحديس
ولا يزال اقوام يتأخرون حتى يؤخرهم الله والعياذ بالله في النار. في النار والعياذ بالله. اوعى - [00:46:09](#)
آآ الجولة دي الجولة ثقيلة عليك تخلي الشيطان دايم يتقلها عليك. حيس والعياذ بالله بعد كده تلاقي نفسك يعني نسأل الله السلامة
الجولة التامنة. الجولة التامنة هتعمل ايه؟ آآ الجولة التامنة الشيطان بعد ما الناس كلها بقى خلاص راحت المسجد - [00:46:29](#)
آآ والجو الايماني في المسجد حاجة غير طبيعية. حاجة غير طبيعية. والناس كلها منتظرة الصلاة ومنتزرة الاقامة والكل رافع ايديه

عمال يدعو ربنا سبحانه وتعالى اقرأوا القرآن وصلوا السنة ودعوا وعملوا كل حاجة جميلة. ما شاء الله. ايه اللي بيحصل يا جماعة؟

اللي بيحصل ان خلاص آآ اقيمت الصلاة. آآ الراحة بصورة عند الروحاء ورجع. راح المكان بعيد ورجع - [00:46:46](#)

عشان ما يسمعش الاقامة. لو مش عايز يسمع الاقامة. راح بعيد ورجع هيسيب الناس؟ لا طبعاً مش هيسيب الناس هيعمل ايه؟ هيبداً يخش بين الفراخ بين الناس. اه تيجي تقول للراجل اه اطلع قدام شوية. نزل ايدك دي ما تعملش كده. ايه يا جماعة في ايه؟ هو في

ايه؟ وده اه يطلع شوية وده يرجع شوية يخبطوا دماغهم في - [00:47:06](#)

ادخل الحيطه انا هاقف كده وتلاقي فيه يدخلك الصلاة وانت عايز الراجل اللي جنبك ده تاخده كده تخبطه وصيتين وتدي له بنيتين كده وتنيمه هو ازاى يطلعني قدام اوي رجعني ورا ويا سلام بقى الناس كلها تطلع قدام. وبعد كده ييجي واحد ابن حلال يقول لهم لا لا

لا غلط ارجعوا وراه ويرجعوا وراه. وواحد تاني يقول لا اطلع قدام. لا واحد يرجع ورا. انت - [00:47:25](#)

ما فيش حاجة. لا انت اللي وتلاقي حرب في قلب المسجد ده كله ليه؟ علشان واحد يطلع قدام واحد عشان نساوي الصف النبي

بيقول ايه؟ قال النبي صلى الله عليه وسلم الحديس عند ابن خزيمة والنسائي وابن حبان قال النبي صلى الله عليه وسلم رسوا

صفوفكم وقاربوا بينها وحاذوا - [00:47:47](#)

اعناق فوالذي نفسي بيده اني لارى الشيطان يدخل في خلل الصف يخش كده من اقدام الناس ويحشر بينهم ويدي ده كتف قانوني

ويدي ده مش عارف ايه ويعمل الجولة التامنة بتقول كده. الجولة التامنة بتقول هيشوشا بكم عشان يحشر بكم. تخش انت وسط

الصلاة وانت مش طايق اللي جنبك. انت داخل الصلاة ما بتفكرش الا في حاجة واحدة بس. انت هتقول - [00:48:04](#)

قل له ايه الكلمتين يحرقوا دمه بعد الصلاة. علشان كده كان النبي صلى الله عليه وسلم بيقول ان الشيطان قد يأس ان يعبد

المصلون. الشيطان يأس ان الراجل اللي بيصلي ده هيعبد - [00:48:24](#)

ولكن رضي بالتحريش بينهم. يفضل يحشر بين المصلين. اطلع قدام ارجع ورا. عشان كده كان النبي بيقول نحل دي ازاى؟ قال النبي

صلى الله عليه وسلم لينوا في ايدي اخوانكم - [00:48:34](#)

قال لك اطلع شوية. اطلع وخليك رجل لين هين. قال لك ارجع ورا. يبقى ترجع ورا وكان النبي صلى الله عليه وسلم خمس دقائق

وكان النبي صلى الله عليه وسلم يقول كما عند احمد وابي داود لا تذروا فرجة بينكم آآ للشيطان. طيب الجولة التاسعة. الجولة

التاسعة - [00:48:44](#)

آآ نقولها بعد الصلاة نقول اخر حاجة بعد الصلاة. آآ وبعد كده ان شاء الله لعل ان شاء الله الدرس الجاي نكمل بعض الجولات ونخش

في ايه؟ في الجولة الثانية من جولات الشيطان في كثير من الفتن اللي بيسبب لنا - [00:49:03](#)

الجولة الجولة التاسعة يبقى احنا نزلنا جولتين اتنين بس. الجولة التاسعة بعد الصلاة. بعد الصلاة يا جماعة ان احنا ممكن نحصل اجور

وقوة ايمانية غير طبيعية. انتم عارفين احنا بعد الصلاة بنقول سبحان الله ثلاثة وتلاتين الحمد لله ثلاثة وتلاتين الله اكبر ثلاثة وتلاتين.

صح كده؟ اه. وبنقول في تمام ان لا اله الا الله - [00:49:18](#)

وحده لا شريك له الى اخر الذكر. عارفين ده اجره ايه عارفين ده اجره ايه؟ اجره هيدك دفعة ايمانية غير طبيعية. النبي صلى الله

عليه وسلم يقول ان العبد اذا سبح دبر كل صلاة ثلاثة وثلاثين وحمد ثلاثة وثلاثين وكبر ثلاثة وثلاثين - [00:49:38](#)

في رواية اربعة وثلاثين آآ ثم قال في سبيل الله لا اله الا الله الى اخر الحديث. قال النبي صلى الله عليه وسلم فقال في تمامه لا اله الا

الله وحده لا شريك له - [00:49:52](#)

له الملك وله الحمد وهو على كل شيء قدير. الا غفرت له ذنوبه وان كانت مثل زبد البحر. مهما كانت ذنوبك بعد ما قلت الازكار ده هي

ربنا يغفر لك. انت متوقع - [00:50:02](#)

ان الشيطان ممكن يعدي حاجة زي دي ؟ لأ مش هيعديها طبعاً. ولكن هيجي لك بعد الصلاة. هيجي لك بعد الصلاة. ويقول لك اطلع

بسرعة ده انت نسيت حاجة في البيت اطلع بسرعة الحق - [00:50:12](#)

اطلع بسرعة الشغل اطلع بسرعة. اطلعي بسرعة اقلبي النار. اطلعي بسرعة اعلمي الاكل. اطلعي بسرعة اعلمي كذا. يفضل يفكر

بحاجات كده لحد ما بسرعة تقومي جري وتسيبي ده شفتم حتى الصلاة انتهت. يعني الصلاة خلصت. مش هيسكت مش يا جماعة هو مش هيسيبنا. هو مش هيسيبنا. فلازم نكون فاهمين واعين. اسمعوا الحديث ده. يمكن - [00:50:22](#)

بعضنا هيسمعنا لأول مرة نسمع كده. الحديث رواه ابن حبان وابو داود في السنن من حديث عبدالله بن عمرو ان النبي صلى الله عليه وسلم قال خلصتان لا يحصيهما رجل الا - [00:50:42](#)

دخل الجنة خدت بالك هتعملهم ما فيش حد هيداوم عليهم الا ويكون خلاص بقى رجل من اهل الجنة. قال النبي صلى الله عليه وسلم هما يسير ومن يعمل بهما قليل - [00:50:52](#)

ياه! تدخل الجنة على طول وحاجات يسيرة! ده الجنة حفرت بالمكاره. لأ هم النبي يقول لك هم حاجات يسيرة جدا. ولكن اللي بيعمل وهم قليل جدا. ايه هم يا رسول الله - [00:51:06](#)

قال يسبح الله دبر كل صلاة عشرا. ويحمده عشرا ويكبر عشرا. ده دليل ان ممكن اقول ثلاثة وثلاثين وفي بعض اوقات اقول عشرة طيب هسبق عشر مرات واحمد عشر مرات واكبر عشر مرات. قال فذلك مائة وخمسون باللسان. يعني ايه مية وخمسين باللسان؟ ده هم ثلاثين. ما هم ثلاثين في خمس صلوات يعني مية وخمسين - [00:51:16](#)

فذلك مائة وخمسون باللسان. طيب في الميزان اضرب في عشرة على طول. والف وخمسمائة في الميزان. الف وخمسمائة في الميزان. طب والثانية؟ الخصلة الثانية؟ قال النبي واذا اوى الى فراشه لما تيجي تنام سبح وحمد وكبر مئة - [00:51:36](#)

سبح وحمد وكبر ثلاثة وثلاثين ثلاثة وثلاثين اربعة وثلاثين فتلك مائة باللسان والف في الميزان. قال فقالوا يا رسول الله كيف لا يحصيه؟ كيف لا نحصيه؟ طب ما هي يسيرة كده كيف نحصي؟ معلش دقيقة واحدة بعد اذنكم. دقيقة واحدة بعد اذنكم -

[00:51:52](#)

فقالوا يا رسول الله كيف لا نحصيه؟ فقال النبي صلى الله عليه وسلم يأتي الشيطان احدكم وهو في الصلاة حتى يقول اذكر كذا اذكر كذا اذكر كذا حتى ينفلت ولعل - [00:52:06](#)

انه لا يفعل وبأتيه عند مضجعه فلا يزال ينومه ده لفظ النبي صلى الله عليه وسلم ينومه حتى ينام. حتى ينام. يبقى اذا هيجي لك ويقول لك ما تسبحش بعد - [00:52:16](#)

لان دي حاجة تدخلك الجنة. حاجة بها يغفر لك الذنوب. فهيجي لك حتى الصلاة مش هيون. انا قلت لك همته عالية قوي. فلازم تكون واعى كده. اقعد بعد الصلاة سبح ربنا - [00:52:26](#)

واحمد عشان تحصل هذا الاجر العظيم. يا ترى الجولة الثانية مع الشيطان هتكون ايه؟ ده بازن الله نعرفه الدرس الجاي. اسأل الله سبحانه وتعالى لي ولكم التوفيق والسداد. ويا يا ريت ان شاء الله نخش على الصفحة يا ريت يعلنوا الصفحة الان على الشاشة على صفحة الفيسبوك بحيس ان شاء الله يكون فيه تواصل بينا وبين بعض وصلى الله على نبينا محمد وعلى اله وصحبه وسلم.

والسلام عليكم - [00:52:36](#)

ورحمة الله وبركاته رحلة العمر الطويلة منحة الله الجميلة بعضهم قد افسدوها - [00:52:56](#)